

рищи. Князи же и мурзы рекоша царю: „Мы на многих боях бывалие, а таких удалцов¹⁵ не видали, ни отци наши возвестиша нам. Сии бо людие¹⁶ крылаты и бесмертны¹⁷ — тако крепко и мужественно ездя — бияшеса един с тысящею, а два со тмою“.^а Царь же Батый, зря на тело Еупатиево и рече: „О Коловрате Еупатие! гораздно¹⁸ мя еси употчивал с малою своею дружиною, да многих моих сильных богатырей побил, и многи полки мои¹⁹ от тебя падоша. И аз есмь многия Орды побивал и никто против меня много не сътоял,²⁰ а ты столко мне зла учинил. Ащо бы у меня сильнаго²¹ царя таков человек был, и тако служил, и так бы стоял за меня, как ты за государей своих, и аз бы имел его аки брата родного,^б и любил бы, аки душу свою за такую предивную храбрость богатырскую“. И повеле царь поставить пред себя полоненных²² людей 5 человек от полку Еупатиева, и рече: „Возмите сего своего храброго воина для его храбрости. И вас пощадих, идете куде хотите“. У повеле отдати им сребро, и платье, и оружия, с ними еже взято на них, отпустил²³ от себе их ничем не вреди.

А князь Ингорь²⁴ Ингоровичь,²⁵ нареченный во свягом крещении Козма, в то время был в Чернегове у брата своего у князя Михаила Всеволодовича,^в ²⁶ богом соблюден от злаго от того отметника от врага христианскаго. И прииде князь Ингорь²⁷ Ингорович из Чернегова в землю Рязанскую и во свою отчину. И услыша, что братия ево вси побиты — побиты от нечестиваго и законопреступнаго царя Батыя. И прииде во град Рязань, и виде, что град разорен, церькви божия поженны, и людие вси побиты, и посечены. И виде мать свою, и снохи своя, и сродники своя, и протчия князи, и бояре и множество мертвых лежаще, и все узорочье в казне чернеговске и рязанское взято. И видя князь Ингорь Ингорович великое пролитие крове и государству рязанскому великое разрушение, а всенародному множеству немилостивное посечение²⁸ и потребление. Сия вся наведе на ны бог грех ради наших. И жалостно возкрича, яко труба рати^г глас подающе, и яко доброгласный орган жалостно вещающе. И от великаго крычания и вопля страшна лежаще²⁹ на земли, яко мертв. И едва отляша его водою, и нося по ветру, и едва отдохнув^д душа его в нем. Кто бо не возплачется толикия³⁰ погибели, или кто не възрыдает от всего сердца, како сей град пленен бысть и инии мнози. И не бе во граде пения, ни звону. В радости место — всегда плач и сетованне творящи. Благоверный же князь Ингорь³¹ Ингорович^е разбирая трупия мертвых, и наиде тело матери своея великой

^а В рук. переделано из твою.

^б В рук.: родраго.

^в В рук.: Всеволодовича.

^г В рук. переделано из ради.

^д В рук.: отдохнув.

^е В рук.: Ингорорович.

¹⁵удальцов. ¹⁷бесмертны. ¹⁸гораздо. ¹⁹моя. ²⁰стоял. ²¹силнаго. ²²полоненных. ²³отпусти. ²⁴Ингор. ²⁵Ингорович. ²⁶Всеволодовича. ²⁷Ингор. ²⁸посещение. ²⁹лежаща. ³⁰толика. ³¹Ингор